

新增刑案匯覽

新增刑

鞠育停囚

各案定限
審結及軍
流擬減省
釋事件

刑部咨查例載直省地方偶值雨

獄者除徒流等罪外其各案內牽連待質及笞杖內
情有可原者該督撫一面酌量分別減免省釋一面
奏

聞又直隸各省審理尋常命案限六個月盜劫及情重命
案

欽部事件俱定限四個月其限六個月者州縣三個月解
府州府州一個月解司司一個月解督撫督撫一個月

月咨題限四個月者州縣兩個月解府州府州二十
日解司司二十日解督撫督撫二十日咨題按察使
自理事件限一個月完結府州縣自理事件限二十
日審結上司批審事件限一個月審報又承審命盜
及

欽部事件至限滿不結該督撫照例咨部卽於限滿之日
接算再限二叅四個月仍令州縣兩個月解府州府
州臬司督撫各分限二十日各等語又臣部減等章
程軍流以下減等向干奉

旨後臣部飛咨內外問刑衙門干文到日扣除往返程途

統限一個月抄錄犯事全案到配年月日期造册報
部臣部分別摘敘案由開單照例題奏核覆奏准通
行在案又查各省審理命盜等案問擬斬絞人犯例
應逐層勘轉由督撫親審專案題奏完結軍流人犯
亦應俟府司審詳分別題咨完結若遇

大赦徒罪以下人犯核其情罪應准援免者向辦章程原
准先行釋放其斬絞軍流各犯仍應專案竝造册報
部分別題奏核覆至恭逢清刑

恩旨從前舊章曾有將徒罪以下准減各犯先行保釋以

恩膏速沛其軍流及有關人命擬抵人犯仍專案咨部核覆通行亦在案伏思州縣審理命盜案件例必層層勘轉不厭精詳非好爲繁瀆也誠以人命至重生者不應負屈死者亦恐含冤州縣賢愚不齊無論奸胥猾吏高下其手因緣爲奸所在不免卽久膺民社熟悉刑名者有時拘泥成案附會例文意見一偏卽不免有畸重畸輕之嘆故由州縣而府州司道督撫逐層詳轉例限綦嚴所以昭懷鑒而防積壓者定例至周至密也刑部爲各省刑名之總匯臬司爲一省刑名之總匯若一切案件祇由州縣解審道府勘定後

卽可釋放向無如此體制況斬絞人犯擬罪定讞均
以題奏奉

旨之日爲定卽或所犯情輕確在准免之例亦應俟題奏
覆准奉

旨之後方能省釋從前成案多有外省擬以准免不准免
而由臣部改擬者亦有臣部擬以准免不准免而奉
特旨改定者並有案中情節支離引斷或未允協駁令覆
審另擬者條款旣難賅載案情不少紛歧今若干未
經題奏覆准奉

旨之前一律概予釋放殊與例意未符臣等公同悉心酌

新加坡叻報
議擬請嗣後各省審理案件所有問擬徒杖以下應
准援免各犯及徒罪以下應准減等各犯准其一律
先行釋放有關人命擬徒准減人犯亦准酌量保釋
其斬絞及遣軍流各犯仍照定例解省覆審分別情
罪擬以准免不准免統俟 臣部核准及題奏奉

旨後再行遵照辦理至減等案內查辦軍流各犯雖在准
減之條尙有應減之罪更未便輕議釋放如此酌核
辦理庶徒杖以下情輕之犯既准先行省釋早沐
皇仁而軍流以上情重之犯仍可覆核精詳以符定制

同治元年通行

秋審圖繆
認真辦理

刑部 奏再 臣部辦理各省秋審於每年開印後卽
遵照向章督飭承辦司官逐起批核 臣等仍反覆詳
議惟恐實嚴失中有負委任無如各省積習相沿於
情傷較重各案率行入于緩決經 臣部歷年照案改
實總不下三四十起迭奉

諭旨嚴行申飾終惑於救生不救死之說一味從寬不特
情無可原者必曲爲開脫卽例應入實者亦率行議
緩 臣等伏思用刑之道固不宜有意從嚴若以金刃
傷多且重及情兇近故情同拒捕之案亦復格外從
寬似此年復一年行見刁惡之徒罔知儆畏地方犯

法者必曰加多且死者冤抑不伸每致釀成厲氣更非所以感召

天和臣等公同酌議核辦本年秋審略爲加嚴改擬情實者較往歲稍多以期力破積習而情重之案仍改不勝改除由臣部照例刷印招冊會同九卿審定具題外理合先行奏明並請

旨飭下各省將軍督撫嗣後遇有秋審大典擬實緩總須認真辦理寬嚴得中以仰副

聖朝明刑弼教至意

光緒八年通行

刑部 奏再臣部辦理秋審招冊必待各省審定實

緩後尾全行到部後方能刻竣成冊分送九卿科道
是以各省後尾均定於五月中旬具題臣部亦可從
容辦理於上班前十五日分送各處今年新事人犯
較往歲爲多兼之併辦去年舊事各省後尾到部有
遲至六月及七月始行到部者臣等督催承辦司員
趕緊飾令刊刻旬月以來鳩集百餘工匠連夜刷印
若仍照往歲例限分送招冊實屬趕辦不及而節候
既屆起數又多且進單送冊限期緊迫上班亦不能
過遲相應請

旨飾下各省督撫嗣後審定後尾須按例限題報毋得遲

延若有逾限卽由臣部奏處以復舊制而重刑章

光緒八年通行

刑部 咨奏竊查例載各省審理案件尋常命案限六個月盜劫及情重命案

欽部事件並一切雜案俱定限四個月其限六個月者州縣三個月解府州府州一個月解司司一個月解督撫督撫一個月咨覆限四個月者州縣兩個月解府州府州二十日解司司二十日解督撫督撫二十日咨題如案內正犯及要証未獲情事未得確實者題明展限若隔屬提人及行查者以人文到日起限如

有遲延情弊該督撫察參若該督撫將遲延各官徇情不行題參察出一併交部議處又承審命盜及

欽部事件至限滿不結該督撫照例咨部以限滿之日結算再限二參四個月仍令州縣兩個月解府州府州臬司督撫各分限二十日如逾限不結該督撫將易結不結情由詳查註明題參照應議處至承審官內有陞任革職降調及因公他往委員接審者如前官承審未及一個月者准其按審過日期相展限一個月以上離任者准其展限一個月分限三個月兩個月事件前官承審展限過半離任者准其扣半加展

如前官於二叅限內離任者接任官准其以到任之日起無論六個月四個月事件俱扣限四個月審結至原任官審斷未當及犯供翻異情節督撫另委賢員或會同原問官審理委審之員扣限一個月該管各上司亦統限一個月核轉具題總以兩個月完結如官員承審案借端巧爲掩飾不行連結者令該督撫題參交與該部嚴加議處上司徇庇不行題參及下屬已經解審混行駁查以致承審官違限並知屬官例限將滿借端故爲派委希圖展限者一併交部議處督撫題參遲延時日將何月日解審駁查次數

聲明聽部查核各等語又光緒七年五月初六日奉
上諭刑部奏各省命盜案件辦理遲逾酌擬稽查章程請
旨辦理一摺各省辦理命盜案件本有定限其承審遲
延者分別議處定例綦嚴近來各州縣往往藉端延宕
任意耽誤甚至捏詞扣展延擱數年積壓朦混弊端百
出殊非愼重刑章之道自應彙總稽查以期周密著各
直省督撫等自此次奉旨之日起先將現任各州縣詳
報未結命盜案件造冊咨部嗣後命盜等案例應題咨
之件著於各州縣通報之後由該督撫等彙齊造冊按
月報部一次毋得視為具文如查有遲逾等弊該部立

卽嚴禁以警玩泄欽此欽遵在案是州縣承審命盜等
案例有審限卽離在接審扣展及招解上司亦各有
分限原以杜遲延之弊立法已極周詳該管上司果
能認真督催自無難依限擬結無如各省奉行日久
視爲具文所扣審限率多藉詞延宕是以臣部於上
年五月間奏准令外省將州縣通詳命道等案起限
按月造冊報部俾得稽核以免積壓乃查近來各省
題咨案件州縣案經解審該管上司並不按照例定
審限速行擬結或混行駁查或稱犯供狡展及犯供
不符游移等詞分作數次委審各結審限每次審限

屆滿復行改委而所委各員又多係實任因公晉郡
晉省無論易結之案下屬已經解審上司不應混行
派委試問實任人員何能留省委審久曠職守明係
隨便添敘勾派處分尤其甚者於兇犯自首以及擅
殺罪人避重就輕之案其情節無所爲疑難犯供亦
斷不至翻異一經解審該上司亦藉詞迭次委審推
原其故皆由州縣官於閭閻詞訟並不趕緊清理該
管上司亦不認真稽催及至定限已逾復巧爲支詞
掩飾冀免嚴察從此州縣官無所顧忌任意遲延竟
有尋常案件壓攔至數年及一二年不結者雖經臣

部逐案駁斥而各省錮習已深似此扣限者尚不一而足現當彙查各省冊報審限之際若任令擅敘致多延擱縱有稽查章程仍於實際無裨相應申明定例請

旨飭下各省督撫將軍都統府尹嗣後所屬州縣解審命盜等案到省督同臬司按照例定審限安速審結如果有情罪未符或犯供歧異必須委審方成信讞者亦應分別發交首府首縣覆審不得委令督省督郡實任人員迭次扣展審限致違成例仍由該督撫及該臬司隨時認真稽覈督催俾案無留滯倘查有仍

前捏敘名目致有違迥等情卽行從嚴察辦以復舊

章而挽積習

光緒八年章程

東撫 奏再據按察使潘駿文詳稱東省京控自同治二年由臬司衙門設立讞局無論奏案咨案統歸親提審辦惟法因積久而生弊制當因時而變通近來京控日多理直赴訴以冀爲之審理者固有而才健之徒擇股而噉藉訟嚇詐及原係理曲妄思翻案者亦復不少在該原告隻身赴京行止自便若遺抱更無須親往而被控之人一經提省實訊遠或千餘里近亦數百里跋涉長途資斧耗竭廢時失業坐困

生機甚至案內本無干涉之人祇以薄有財產取求未遂亦復牽連作証列一名於詞中受無根之拖累追審明所控全虛而事涉細故坐誣不過杖笞卽釋尤嚴懲而被累者已蕩產傾家矣亟宜量爲變通以恤民隱而遏刁風擬請嗣後京控各案除奉

旨交審及咨交案內關係命盜贓私情節重大者仍提省審辦外其餘事甚細微如未赴州縣控告及告而未經傳訊等案酌發該管道府州摘傳要証就近提審按限辦理統由該司核定詳請覆核咨銷以省拖累而杜刁訟詳請咨部立案等情當經臣咨准刑部以

查核來咨該省係爲京控繁多酌量變通起見應卽
奏明辦理未便據谷率覆等因谷覆前來理合附片
具陳軍機大臣奉

旨著照所請該部知道欽此

光緒八年奏案

官司出入人罪

命案正兇
脫逃年久
就獲並究
出革并教
供刑逼枉
殺二命

欽差刑部 奏江甯三牌樓命案訊明死者實係朱
彪並非薛春芳前後委係一案正兇周五等供認不
諱前辦之曲學如等實係胡金傳妄挈刑逼教供致
枉殺二命查律載謀殺人造意者斬監候從而加功
者絞監候又例載人命應擬斬絞各犯脫逃二三年
後就獲如謀殺情重之犯依原犯科條應監候者改
爲立決又官司故入人罪全入者以全罪論若失於
入者減三等以吏典爲首首領官減吏典一等佐貳
官減首領官一等長官減佐貳官一等科罪又同僚

官一人有私自依故入論其餘不知情者止依失入
論又律註載本衙門所設官吏無四等者止准現設
員數遞減又誣告人死罪所誣之人已決者依本絞
斬反坐以死又証佐不言實情故行誣証致罪有出
入者減罪人罪二等又例載誘拐婦人爲妻被誘之
人若不知情不坐被逼成姦亦不坐和誘知情爲首
擬軍被誘之人減等滿徒又軍民相姦姦夫姦婦各
枷號一個月杖一百又律載詐欺取財計贓准竊盜
論又竊盜贓三十兩杖九十各等語此案周五因朱
彪將伊誘拐之劉王氏迭次拐逃欲行價賣起意商

同沈鮑洪將其謀殺身死實屬造意爲首沈鮑洪因
與朱彪誘拐之妻趙高氏有姦慮被朱彪殺害聽從
下首加功卽屬爲從應各按律問擬周五卽周步畛
除誘拐擬軍輕罪不議外合依謀殺人造意者斬律
擬斬監候沈鮑洪卽潘洪除犯姦輕罪不議外合依
從而加功者絞律擬絞監候胡金傳於人命重案希
圖邀功冒賞始而恐無確證捏以見屍被斥等情教
誘方小庚誣指旋又恐案情審虛輒擅自酷刑逼供
先令供指姦情因姦無憑據復令承認圖財致僧紹
宗等畏刑誣服慘被冤殺按誣告及故入已決均應

擬抵已革參將胡金傳合依官司故入人罪全入者以全罪論仍照誣告已決依本律坐以斬罪查周五謀殺爲首脫逃已逾三年例應改爲立決沈鮑洪因與朱彪誘拐之妻通姦聽從謀命雖與因姦謀殺本夫不同究較凡人謀殺爲重脫逃已逾三年且已致成巨案胡金傳故入之罪二命均係斬決情節較重俱未便仍擬監候沈鮑洪胡金傳應與周五均按照斬絞本罪擬以立決請

旨卽行正法胡金傳據供親老丁單不准查辦留養方小庚聽從胡金傳教供誣證陷人重辟應照證佐不言

實情故行誣證致罪有出入應依減罪人二等律於
死罪上減二等擬杖一百徒三年事犯到官在光緒
七年五月十四日

恩詔以前該犯究係迫於威嚇並非甘心誣證情尚可原
應請減爲杖一百折責發落劉王氏被周五誘拐係
屬知情應照和誘知情被誘之人減等滿徒例擬以
滿徒係犯姦之婦杖決徒贖既據本夫劉長洪呈明
不願領回傳訊余應昌委非知情故買應給余應昌
領回完聚趙高氏於沈鮑洪謀殺朱彪先未同謀亦
不知情其被朱彪強逼爲妻例不坐罪惟與沈鮑洪

通姦後雖明媒正娶例應仍科姦罪劉高氏與周五苟合成婚亦應離異趙高氏劉高氏均合依軍民相姦例各杖一百枷號一個月杖罪照例的決枷號准其收贖繆癩子媒說劉王氏與余應昌爲妻訊明不知拐情惟得洋錢五十六元卽屬詐欺取財計贓准竊盜論竊盜贓三十兩杖九十律擬杖九十係婦女且已成廢亦准收贖與劉王氏等均追銀册報所得身價各犯所供均已花用無力完繳應免着追候補知縣嚴堃承審此案並不虛衷研鞫率將胡金傳誘取嚇逼各犯供詞認爲實情且於胡金傳喝令用刑

嚇逼既已隨同附和其用香火向案犯燒然又復在
場目覩雖訊明不知胡金傳懷挾私意及教供情事
究屬糊塗謬妄解任兩淮鹽運使洪汝奎督審此案
於傷杖之是否相符真贓之有無下落並未詳明追
究率行錄供呈報且於胡金傳教供私拷等情毫無
覺察雖無授意情事稟內亦確有據案情重大請另
派大員審訊之語惟未將案內疑竇聲明答亦難辭
若權照草率定案證據無憑枉坐人罪例擬以革職
均嫌輕縱自應仍照失入本律問擬查該營務處並
無四等官吏應照現設員數遞減科斷嚴禁應即革

職合依斷罪矢入減三等首領官減吏典一等律統
減四等擬杖八十徒二年洪汝奎應革去隨運使於
嚴菴罪上減一等擬杖七十徒一年半係職官均請
旨發往軍台効力贖罪候補同知單之珩因稔知胡金傳
難與共事託言別有差委此案未能全審候補知縣
丁仁澤於此案只審過一次尙未定供卽經糧道檄
辦海運並非始終其事亦未與胡金傳同審呈驗委
札屬實惟究係奉派會審之員未便遽與免議應請
旨交部分別議處察議事犯俱在

恩詔以前劉王氏到官在後嚴菴罪係失入人罪均毋庸

查辦解任淮安府知府孫雲錦於此案並未奉有派
審督札亦無營務處會審文移會稟時亦未會印會
銜洪汝奎以該員係地方印官於稟內一併列名該
員始終實未審過此案應請免其置議原任督臣沈
葆楨於洪汝奎稟請派員覆訊並未逐層駁令覆訊
遽以不肯說出死者根抵定係會匪自相殘殺卽予
駢誅辦理未免草率惟係已故大員應否交議伏候
聖裁張克友訊係無辜前刺之字准予起除

光緒八年案

刑部 咨奏欽奉

上諭光祿寺少卿延茂奏敬抒管見一摺各直省問刑衙門承審案件自應虛衷研鞠以持情法之平何得草率定擬致有失入情事若明知案情未確或迴護原審或規避處分以致冤及無辜尤屬不成事體嗣後著各該督撫督同臬司於人命重案悉心推勘以期無枉無縱其所請現辦各案如有失入情節准其奏明更正寬免處分之處著刑部議奏等因欽此臣等遵卽檢閱該少卿原奏內稱近日各省所謂能幹之吏率多武健嚴酷之才視民命如草芥如四川東鄉之奇冤江南三

牌樓之失入河南王樹汶之呼冤可爲往鑒雖經

朝廷或特派使臣或提交刑部持正平反而死者不可復

主斷者不可復續況此外之不可控訴未經糾參抱

痛沉寃於九泉者正不知其凡幾也于天和而召災

禍未必不由於此

奴才

愚以爲與其平反於失入之

後何若於慎於聽訟之時應請

旨飾交各疆吏督同臬司於現辦案件有關民命者悉心

推勘如有失入情節勿稍迴護准其奏明更正仍加

恩寬其處分如不肯平反始終固執經旁人叅奏得實卽

治以欺罔之罪等因查臣部核覆各省命盜案件每

年不下數千起臣等均逐件評閱遇有關係民命如案情稍涉可疑者卽隨時駁令覆密各該省果能虛衷研鞫將駁審之案無論失出入訊得實情據實平反檢舉更正處分自可邀免無如近日不肖州縣玩視民命多係草率從事該管上司不肯認真詳細推勘非巧爲彌縫卽多方掩飾其能平反更正者百無一二而固執原擬者則比比皆是推原其故總由各該督撫徇庇屬員迴護原審其尤甚者明知案情實有冤抑卽據實更正處分亦輕以爲與全案局面有礙終不肯自認錯誤積習相沿牢不可破卽如河

南鎮平縣王樹汶呼冤一案始而迭經御史參奏該省仍敢飾詞覆奏入人死罪繼而奉

特旨提交臣部審辦該前撫李鶴年猶復強詞曉曉置辯希圖搖惑眾聽顛倒是非在已經發覺者平反尙如此其難其餘未經發覺者更必任意消彌安望其自行更正也該少卿所奏命案有失入情節准其更正寬免處分係爲矜恤民命力挽積弊起見第此等情節亦有區別有下屬自知審辦錯誤稟請更正則承審官處分自可寬免如係上司查出更正則原審官豈能免議尙在具

奏以後更應請

旨遵辦此時礙難預定相應請

旨飾下各省督撫嚴飾所屬嗣後審理命盜等案務須詳
細推鞠果係情真罪實毫無疑義者詳叙供勘招解
該臬司亦應親提覆審如情罪不符或實有冤抑者
卽立予平反不得稍涉迴護總期無枉無縱俾成信
讞倘有規避處分致有冤及無辜等情亦卽嚴行叅
辦如能據實更正應由臣部臨時移咨吏部酌核辦
理光緒九年通行

辯明冤枉

盜犯臨刑
時寬據實
平反比例
分別擬結

刑部等 奏光緒八年九月十四日奉

上諭河南盜犯胡體安臨刑呼冤一案前經梅啟昭李鶴
年訊明擬結當諭令刑部速議具奏旋據刑部奏稱查
閱原奏疑竇甚多應俟供招到部再行定擬此案迭經
御史風聞陳奏其為輿論紛紛概可想見究竟案情有
無冤抑若不詳慎推求不足以成信讞即著李鶴年將
前案人證卷宗派員妥速解京交刑部悉心研鞠務期
水落石出毋稍枉縱欽此臣部以該督等覆奏將正
盜程孤堆王牢天即問擬斬立決復牽引張鳳魁殺

死王三娃一案擬以暫行羈候辦理實屬含糊請將該省朦混主稿之員先行議處奉

旨著俟定案時聲明請旨欽此嗣因人證解到究出正盜胡體安係被鎮平縣總役劉學汶賄縱王樹汶係屬頂替臣部是以有剖晰王樹汶非胡體安之奏復因知縣馬壽解到將原辦錯謬情形呈具親供視該督等覆奏諸多不符臣部是以有臚陳覆審捏飾之奏又因該撫固執原議肆行奏辨臣部復以該省所取鄧州知州及族鄰犯婦甘結均稱王樹汶係光緒五年十月二十四日自家逃出而定案則改爲係光緒

四年九月已屬自相矛盾王樹汶既與胡廣得父子
相稱乃於胡廣得如何商謀上盜所糾係屬何人該
犯原供均未知悉更屬無此情理追贓物一無可據
乃謂胡廣得之賊卽與王樹汶之賊無異枉坐人罪
且以在野看守衣物之犯科以把風接贓之條情罪
殊未允協可否飾提覆審此案之知府王兆蘭馬永
修質對以服其心抑或照臣部所訊擬結等情雙請
入奏奉

旨卽著該部定案奏結欽此自應欽遵辦理臣等查王樹
汶呼冤之由總以是否另有胡體安其人爲斷而該

犯之有無冤抑尤以是否同謀上盜爲憑隨即親提研訊據程孤堆王牢天供認聽從胡廣得行劫張肯堂家在寨門持杆看人事後分贓程孤堆係伊素識之劉三李大黑火燒臉糾約王牢天係程孤堆轉糾等情屬實該督等所引張鳳魁殺人一案訊之要證何周經鄭寬長均供稱並無程孤堆王牢天在內自不得以渺查無憑之案將罪干斬決重犯混行待質至王樹汶一犯僅供認五年十月二十五日自家逃出被胡廣得誘脅同行逼令服役爲之隨攜烟袋二十七日晚伊跟胡廣得走至不認識曠野地方眾人

將衣服脫下胡廣得令伊與不知姓名二人看守並未告知搶刦情由質之程孤堆王牢天均供稱在外把風時實無王樹汶在內詰據地保金振柳供稱王樹汶實五年十月間逃出並非四年九月卽差役與全喬四牛振江王城得營兵王得訓閭城淋書吏王青元王棠堦事主張肯堂要證趙榮潰王殿杰亦將劉學汰如何教供王樹汶如何誣認在縣如何刑偏在省如何誘串各情逐細供明歷歷如繪是胡體安實係另有其人二樹汶之不應擬死罪均屬確鑿無疑臣等復會同都察院大理寺親提研鞫各犯供皆

無移異茲復統加綜核原審知縣馬翥到任伊始於
地方一切生疏外而賊匪橫行有嘗試之意內而差
幕串結有玩弄之心該縣出於操切不暇詳究又自
顧考成事事聽從劣幕指使僅招解王樹汶一人消
弭巨案以塞事主之口遂致大盜狡脫幼弱代償
審知府王兆蘭馬永修等在保全官局舍真情不與
辦理強坐盜贓以此物指爲彼物挪移日月以兩人
作爲一人該督等不加深察受其愚弄二次拏獲到
學汰到省復任其逍遙事外第執犯證歧異供詞違
定王樹汶駢首罪名此衛尉所以倖逃覆盆所以莫

雪也總之原審以荒謬始以捏飾終覆審以弭縫始以周內終案內實情全行消滅惟中間唐成仰稟涂宗瀛一奏爲冤抑露端耳現在案已審明程孤堆王牢天係案內正盜未便日久稽誅王樹汶與胡體安委係兩入雖胡體安戈獲無期惟既據眾供確鑿卽屬毫無疑義劉學汰劉全汰劉黑十施遊伯均據供病故案內牽連人證甚多未便久稽囹圄致滋拖累自應欽遵

諭旨卽行擬結查律載強盜已行但得財者不分首從皆斬又例載盜劫之案把風接贓等犯亦係同惡相濟

照爲首一律問擬又洋盜案內被脅爲匪服役並未
隨行上盜者杖一百徒三年又承審官草率定案證
據無憑枉坐入罪各擬革職又證佐不言實情故行
誣證致罪有出入者減罪人二等又斷罪無正條援
引他律例比附問擬各等語此案程孤堆王牢天均
合依強盜已行但得財者不分首從皆斬律擬斬立
決請

旨綁赴市曹卽行正法以昭炯戒王樹汶跟隨胡廣得出
外服役當胡廣得前往行劫之時王樹汶僅止代伊
看守衣服事前既不同謀上盜事後亦未分受贓物

律例內並無治罪專條自應比例問擬王樹汶應比
依洋盜案內爲匪服役並未隨行上盜者杖一百徒
三年例擬杖一百徒三年事犯在光緒七年五月十
四日

恩詔以前本應不准援減惟念以幼穉身受非刑久淹囹
圄幾至慘罹大辟應從寬准予減免吳全喬四身充
快役既知劉學汰等有賄放胡體安情事並不據實
舉發輒行代爲隱瞞事後復幫劉學汰等教令程孤
堆王牢天作證誣指王樹汶是胡體安以致釀成呼
冤重案亦應按例科斷吳全喬四均合依證佐不言

實情故行誣證致罪有出入減罪人二等例擬杖一百徒三年據供並未分受胡體安贓物係屬一面之詞難保無避就情事應照例監候待質俟胡體安將來能否拏獲再行分別辦理鎮平縣知縣馬翥初審此案於王樹汶是否係胡體安並不虛衷研鞫輒用非刑逼供其於幕友塗改贓物亦未詳細檢查率行定案迨王樹汶呼冤以後業已詢知劉學汰有賄縱胡體安情事又復聽從劣幕虛寫劉體安名字並捏稱在押病故等情稟覆希圖朦混糊塗謬妄意在故入人罪開封府知府王兆蘭候補知府馬永修覆審

此案於王樹汶所以呼冤之故始終並未根究乃捏飾各節一味彌縫遂將王樹汶與胡體安扭合一人實屬鍛鍊周內查該縣錯謬於前該府等支飾於後厥罪惟均若僅照草率定案予以革職殊嫌輕縱王兆蘭馬永修應與馬翥均請

旨卽行革職於承審官草率定案証據無憑枉坐人罪各以革職罪上酌加一等發往軍台効力贖罪以示懲儆馬翥據供母老丁單應不准查辦留養均係現任職官仍恭候

欽定至程孤堆王牢天本係罪干斬決人犯該府等忽引

一並無根據命案監候待質雖與無故出入死罪有間究屬有違定制業已從重問擬軍台此層卽無庸再議合併遵

旨聲明候補同知藏政倬身爲派審人員輟同署鎮平縣鄭于僑向吏役教供候補知縣丁彥廷教地保金振柳捏供並勸事王冒認贓物均屬巧于逢迎應請

旨交部議處其餘覆審各員是否商同主稿抑係隨同畫押之處應俟該撫查覆到日再行分別核辦前任開封府知府唐咸仰暨洛陽縣張佩訓均係先行赴任並非始終其事大挑同知吉元訪稟此案情形語多

近實應與並未會審業經遞呈聲明之大挑知縣張
亨嘉均請從寬免議河南巡撫李鶴年河道總督梅
啟照以

特旨交齊要案明知王樹汶冤抑不能據實平反徒以迴
護屬員處分朦混

奏請追提京訊問李鶴年復以毫無根據之詞曉曉置辨
始終固執前議實屬辜負委任惟均係督撫大員應
如何予以處分伏候

聖裁前署河南按察使麟椿于招解重囚並未詳加究詰
因犯未翻供卽照擬勘轉前任撫臣涂宗瀛具題均

屬疏忽應與隨題照覆之

臣部堂司各請

旨一併交部分別議處參議

光緒九年案

有司決囚等第

斬絞各犯
分別正法
減等

皖撫 奏各屬擬結斬絞人犯遵照章程分別正法
減等一摺查得甯國縣招解斬犯梅三喜因姦起意
商同姦婦梅屠氏謀殺縱姦本夫梅家傾身死一案
廣德州拏獲留禁省監被粵匪放走盜犯吳老八楊
四魁一案均各批令正法又合肥縣招解絞犯營兵
梁應及戳傷棚兵張學鳳身死一案又絞犯雷存孜
毆傷何榜身死一案又舒城縣招解絞犯何啟詳戳
傷潘起法身死一案又巢縣招解絞犯馬兵周兆禮
毆傷同營守兵王潰身死一案秋審應入緩決均應

減流等因查斬婦梅屠氏斬犯吳老八卽楊四魁二
名口或係聽從姦夫謀殺縱姦本夫或係行劫盜犯
均罪應斬決斬犯梅三喜一名係造意謀殺縱姦本
夫秋審應入情實該撫於審明後卽行正法核與奏
定章程相符再未入秋審絞犯梁應及雷存孜何啟
詳周兆禮等四名臣等核其情節或衅起釁斥或毆
係他物或抵戮一傷或械係奪自死者之手秋審均
應緩決照例減等

咸豐十年說帖

遣軍流徒
人犯仍復
年終彙報
舊例

刑部 咨奏光緒七年五月十四日欽奉

恩詔查辦在京軍流以下人犯分別減等當經臣部酌議
章程奏准通行各省令於接到部文之日飛飭所屬
迅將軍流徒罪人犯備錄案由分別准減不准減彙
造清冊除去往返程途限一月內題咨到部等因去
後數月之久未遽報部復經咨催僅據浙江安徽巡
撫順天府尹荊州杭州西安吉林黑龍江將軍涼州
青州副都統陝甘總督彙冊報部其餘直隸等省仍
未遽造報推原其故年終彙報之例既經停止所有
軍流徒罪人犯不特臣部因散在十七司並無一定

年月無從查考卽配所督撫亦因各犯在各州縣散漫無稽驟難造冊將來到齊難保不在三三年之後在不准援減各犯尙無出入其准減各犯毋論徒罪已屆限滿

曠典致成虛設卽軍流各犯其先經造冊到部者遞籍充徒又將屆滿未經到部者久羈戍所沐

恩無期殊不足以昭公溥溯查舊例載各省軍流入犯定地發配及到配安置俱專咨報部仍於年終逐案摘敘簡明事由並聲明何司案呈分報彙冊報部等語係嘉慶二十四年御史蔣雲寬奏准定例原因遇有

軍流減等

恩旨外省往往遲至經年不能造冊報部甚者或有遺漏不若逐年彙報一次遇有減等

恩旨卽可由刑部核定以期迅速平素遇有案件牽涉發配之犯刑部亦免輾轉行查耽延時日起見嗣經臣

部通行各省令將徒犯亦於年終一體造冊報部立法本極周密至道光二年御史朱爲弼因各省彙造六部冊籍日積日多往往名實不符俱成具文等因奏奉

諭旨著六部堂官各將外省造送該衙門冊籍逐一查明

應存應刪開單奏明請

旨經

臣

部查各省軍流遣犯起解到配既已專咨報部復

令年終彙報似乎重複奏明將軍流犯年終彙報冊

籍停止以歸簡易從此軍流徒犯在

臣

部散漫無稽

遇有查辦減等必待外省造冊外省亦因散漫無稽

遲延遺漏往往不免

臣

等公同酌議與其圖簡易而

致延誤莫若歸周密以期妥速擬請自後仍復舊例

令各省將遣軍流犯定地發配及到配安置除專咨

報部外俱年終逐案摘敘簡明事由並聲明何司案

請造冊彙報其徒罪人犯亦於年終一體辦理如蒙

俞允弼部通行各省督撫將軍都統府尹一體遵照並
入例冊遵行庶遇有案件牽涉發配之犯臣部按照
可稽免延時日將來遇有

恩旨查辦減等即由臣部核定應減不應減各犯擬咨各
省遵照其有病故脫逃等項臣部所未及和審由各
該省咨部扣除更正庶

如天之仁得以迅速徧及而立法益爲周密仍請

旨節下各省督撫將軍都統府尹嚴飾各屬查照光緒七
年六月初一日臣部奏定章程迅即備錄各犯事由
分別官常犯准減不准減彙造清冊並造具花名總

冊聲敘共犯若干名口趕緊稟咨報部以憑核辦其
已造報各省有應行補報之犯亦一體迅速造報毋
得再行稽延光緒七年十二月十二日內閣奉

上諭刑部奏各省軍流徒人犯請仍復年終彙報舊例一
摺各省軍流徒人犯向係年終彙報嗣經停止現在查
辦減等散漫無稽各省未經造報者甚多殊屬延延且
恐有遺漏情事非所以溥仁施而昭周密其有因案牽
涉之犯亦以輾轉行查辦理需時嗣後各省督撫將
軍都統府尹等仍照舊例將遣軍流犯定地發配及到
配安置除專咨報部外均於年終逐案摘敘事由並聲

明何司案呈造冊彙報徒罪人犯一體辦理該部即照
人例冊遵行並著各該省查照本年六月部定章程迅
卽備錄各犯案由分別官常犯准減不准減造冊聲敘
名口統數趕緊題咨報部其已報各省有應行補報之
犯亦著一體迅速造報毋再稽延欽此

光緒八年章程

檢驗屍傷不以實

誣告謀毒
木夫重案
相驗不實
枉坐人罪
復訊據實
平反

刑部 奏浙江餘姚縣民婦葛畢氏毒斃本夫一案
訊明相驗不實枉坐人罪之承審各員並妄行控驗
之屍親人等按律分別擬結查例載州縣承審逆倫
罪關涉遲重案如有失入業經定罪招解者按律定
擬又律載檢驗屍傷不實罪有增減者以失入人罪
論又斷罪失於入者減三等並以吏典為首首領官
減吏典一等囚未決聽減一等又例載承審官草率
定案証據無憑枉坐人罪者革職又律載誣告人死
罪未決杖一百流三千里加徒役三年又例載地方

官長隨倚官滋事懲令妄爲累及本官罪至流者與
同罪又律載

制書有違者杖一百又不應爲而爲之者笞四十事理
重者杖八十各等語此案件作沈詳率將病死發覺
屍身誤報服毒致入凌遲重罪殊非尋常疎忽可比
合依檢驗不實失入死罪未決照例遞減四等擬杖
八十徒二年已革餘杭縣知縣劉錫彤雖訊無挾仇
索賄情事惟始則任聽件作草率相驗繼復捏報擦
洗銀針塗改屍狀及刑逼葛畢氏等誣服並囑令章
溶面致錢寶生誘勒具結羅織成獄僅依失於死罪

未決本律擬徒殊覺輕縱應請從重發往黑龍江効
力贖罪年逾七十不准收贖杭州府知府陳魯于所
屬州縣相驗錯誤毫無覺察及解府督審率憑刑訊
混供具詳定案復不親提錢寶生究明砒毒來歷實
屬草菅人命甯波府知府邊保誠嘉興縣知縣羅于
森候補知縣顧德恒龔世瀟經學政委審此案未能
澈底根究依附原題候補知縣鄭錫澤係巡撫派令
密查案情並不詳細訪查率以無冤無濫會同原問
官含糊稟覆厥咎惟均具應依承審官草率定案說
據無憑枉坐人罪例各擬以革職巡撫楊昌濬據詳

具題不能查出冤情京控交審不能據實平反意涉
瞻徇學政胡瑞瀾以

特旨交審要案所訊情節既有與原題不符之處未能究
詰致死根由詳加覆驗草率奏結幾致二命慘罹重
辟惟均係大員所有應得處分恭候

欽定按察使蒯賀孫失入死罪本干律議業已病故湖州
府知府錫光等覆審此案尙未擬結均免置議劉錫
彤門下沈彩泉在屍場與件作爭論堅執砒毒實屬
任意妄爲合依長隨倚官滋事懲令妄爲累及本官
罪至流者與同罪律擬杖一百流三千里沈喻氏因

伊子速死可疑喊救相驗並未指控何人謀毒與証
告人謀死人命不同且府讞時妄供盤出謀毒各情
係由痛子情切所致應與証告人死罪未決滿流加
徒律上量減一等擬杖一百總徒四年王心培王淋
沈體茫不知底細輒隨同沈喻氏混供亦屬非是惟
到案即將實情供明尙非始終誣証訓導章燾即章
掄查係杭州府幕友輒爲劉錫彤向同村藥舖錢寶
生面囑亦有不合葛畢氏捏供楊乃武商令謀毒本
夫訊由畏刑所致惟與楊乃武同居時不避嫌疑致
招物議眾供僉同雖非奸私實據究屬不守婦道應

與王心安等各依不應重律擬杖八十章濬革去訓
導楊乃武訊無與葛畢氏通姦確據但就同食教經
而論亦屬不知遠嫌復誣指何春芳在葛家頑笑雖
因圖脫已罪並非有心陷害究係獄囚誣乎人有違
定

制律應杖一百業已革去舉人兇其再議姜位濬劉殿
臣寫給沈喻氏字帖訊爲資助旅費起見殊屬多事
各依不應輕律笞四十此案情節較重雖事犯在光
緒元年正月二十日

恩詔以前所有應得罪名均請不准援免以昭懲戒陳湖

卽陳竹山勸令錢寶生誣認賣砒本干律擬業經監
斃應與在籍病故之錢寶生均無庸議沈體仁容留
親戚逃徒倪錦雲在家本有不合業已擬杖免其重
科應與訛無爲本縣長子索詐之阮德並未在葛家
頑笑之何春芳並未干預公事之劉海昇並未與舊
僕書信往來之主事文超及並無不合之錢姚氏等
亦無庸議提到葛品連屍棺既經復驗明確屍屬並
無爭論仍交浙江原解委員知縣袁來保等連件作
沈詳門丁沈彩泉並原卷解交浙江巡撫分別定地
發配飾屬領埋其律應收贖之沈喻氏葛畢氏並罪

應咎杖之王心培王淋沈體芒姜位隆劉澱臣等均
由臣部分別折責追取贖銀將全案入證連陳湖屍
棺飾坊遞籍保釋埋葬未到免提省累奏奉

上諭前因給事中王書瑞奏浙江覆訊民人葛品連身死
一案意存瞻徇特派胡瑞瀾提訊嗣據該侍郎仍照原
擬具奏經刑部以情節歧異議駁旋據都察院奏浙江
紳士汪樹屏等聯名呈控降旨提交刑部審訊經刑部
提集人證調取葛品連屍棺驗明實係因病身死並非
服毒當將相驗不實之知縣劉錫彤革審並據御史王
昕奏承審大員任意瞻徇復諭令刑部澈底根究茲據

該部審明定擬此案已革餘姚縣知縣劉錫彤因誤認
屍毒刑逼辜畢氏楊乃武妄供因姦謀弊葛品連任坐
重罪荒謬也極著照所擬從重發往黑龍江効力贖罪
不准收贖前杭州府知府陳魯於所屬知縣相驗錯誤
毫無覺察並不究明確情率行具詳實屬玩視人命甯
波府知府邊葆誠嘉興縣知縣羅于森候補知縣顧德
恆龔世潼承審此案未能詳細訊究草率定案候補知
縣鄭錫舉經巡撫派令密查案情含混稟復均著照所
議革職巡撫楊昌濬據詳具題既不能查出免情迨京
控復審又不能據實平反且於奉旨交胡端瀾提訊後

復以問官並無嚴刑逼供等詞曉曉置辯意存回護尤屬非是侍郎胡瑞瀾於特旨交審要案所訊情節既與原題不符未能究詰根由詳加覆驗率行奏結殊屬太負委任楊昌濬胡瑞瀾均著卽行革職餘著照所議完結人命重案罪名出入攸關全在承審各員盡心研鞫期無枉縱此次葛品蓮身死一案該巡撫等訊辦不實始終迴護幾至一命慘罹重辟殊出情理之外嗣後各直省督撫等於審辦案件務當督率屬員悉心研究期於情真罪當不得稍涉輕率用副朝廷明慎用刑至意欽此 光緒三年通行